

樊山全集

上海廣益書局印行

懷柔三

樊山續集卷十二

恩施樊增祥嘉父

西京酬唱集

感懷

避地瓜門蓋小休垂門碧柳亦風流
貧來奴僕隨新主住久兒童識故侯
開鏡花枝當玉案捲簾山翠入高樓
適來惟覺吟情減雙社何人與唱酬

效唐人西宮怨

月轉宮簾感玉波桐飄金井夜如何
王階秋怨年年有不似今年白露多

秋夕書感

南江落葉一輕舟住處何人識
旅愁藍面恨人傷世亂白頭憐我誤身謀
含花燭影雙枝玉墜雨簷聲數點秋堪笑
一鷗閒似客蒼西出月度鐘樓

樓鐘度月出西菴客似閒鷗一笑堪
秋點數聲簷雨墜玉枝雙影燭花含
謀身誤我憐頭白亂世傷人恨面藍
愁旅識人何處住舟輕一葉落江南

知誰瘦減帶圍腰起詠新寒夜燭高
悲老杜鷗聞北蜀返仙丁鶴語東遼
啼鷗隴月秋吹笛過雁胡天雪洗刀
思夢有人懷北闕池荒隋葉雨瀟瀟

瀟瀟雨葉墜荒池闕北懷人有夢思
刀洗雪天胡雁過笛吹秋月隴鷗啼
遼東語鶴丁仙返蜀北聞鷗杜老悲
高燭夜寒新詠起腰圍帶減瘦誰知

駕幸晉陽恭紀

山翠入秋清 御輦接旗黃蓋紫雲連天門北控飛鸞馭雪海西巡促馬鞭環佩別宮行駐蹕 詔書
頒澤草求賢邊城月印霜蹄駿苑內傳烽起夕煙

煙夕起烽傳內苑駿蹄霜印月城邊賢求草澤頒書詔 蹕駐行宮別佩環鞭馬促巡西海雪馭鸞飛
控北門天連雲紫蓋黃旗捲輦 御清秋入翠山

贈屠梅君前輦即送之三原

久聞京輦避桓驄二十年來一笑逢自昔直聲震天下於今正學感闕中心隨晉絳山朝北道在河汾
水向東令德堂深斟別酒諸生清淚馬前紅

譜成格致息羣紛道藝并包有至文斷自堯來勤著錄莫從禹下策功勳心如椰子諸能受耳熟松風
百不聞豈獨漢廷旌折檻更看鹿角折朱雲

坐看羣盜起湟池汾雁清秋度隴遲五斗有人奉張魯車何地著王尼忍飢飯顆緣詩瘦洒泣兵厨
作酒悲曾見青驄西幸蜀不圖重際奉天時

著書閉戶此心遐卜宅涇原小寄家周子漢堂繞蓮葉秦人居處訪桃花洞開白鹿延朝爽闕度青牛
起暮霞箕頤原非瀛洛事宜聞泗水繫匏瓜

秋夕示內

移巢舊燕似臣羈倦馬東華夢醒避離亂避人逢塞雁病愁憐汝畫山眉詞人舊怨秋闌減月榭新涼
夜笛吹池照影娥青髻薄良容鏡北水楊垂

垂楊水北鏡容良薄髻青娥影照池吹笛夜涼新榭月減闌秋怨舊人詞眉山畫汝憐愁病雁塞達人
避亂離違醒夢華東馬倦羈臣似燕舊巢移

晉陽五首

晉陽西指玉衣寒，跋履真如蜀道難。
蠱滿液池傷仆柳，馬嘶宮禁泣幽蘭。
麻鞋間道奔行在，豆粥無人勸。
御餐猶有前朝豹房月，居庸夜出揭帷看。

大同宣府羽書頻，郡縣交迎玉輅塵。
下進翟榆輝蹕路，漸看豹尾備鉤陳。
金戈鐵馬風雲慘，紫蓋黃旗日月新。
不意今年秋社飯，百官齊念老來身。

官車曉度雁門深，御宿遙遙白日陰。
夜雨淋鈴雙眼淚，長星勸酒萬年心。
蛟螭一峽愁青玉，虎卧重關扼紫金。
謂升吉誰識幽燕諸敗將，執戈爭擁翠華臨。

太原亦是龍興地，日角當年此啟都。
南渡至今早晉宋，中天真欲返唐虞。
堯舜皆都晉已頒北闕求言詔，盡免西巡所過租。
好製浯溪中興頌，雪香徘徊體莫悲吁。

回首金臺落照餘，奉先宮殿近如何。
太妃兩膳開蟾鎖，夷問宮中有何人蘇喇云有咸。
留守雙丸走蠟書，王位夷人令照常進膳幾輔百城等僑置。
朝官連日有新除，行宮夜見傷心月。
爭怪常儀綠髻疏。

余曩以雞汁淪井茶，恁伯師及子培張之以詩。
頃研孫太守復繼以詞，計志師歿已七年，子培在淮南亦無消息不虞一匕箸。
間復有滄桑之感也，因賦長句，選梅君研孫晴谷仲綱和之。

樊山食料羅芳縵，不恤門生誚便腹。
越芽齊蹠點湯新，銀絲繞匕松花熟。
貧憐公膳隻非雙，雋佐客談清不俗。
諫果剛疏那得仙，雞蘇淨妙方成佛。
京華旅食十年前，瓶齋設客花含煙。
捲簾看畫春風入，裏手彈棋細雨天。
鑒剔羹材出新意，紅肪綠茗交相契。
東岡煮狗笑僧饒，南海食螺覺坡賦。
佳人夜起警雞鳴，祝翁老來諳茶事。
鼎鑊時兼竹雨啼，堦堦暗繞松風細。
霞川遺老真吾師，閒選瘦沈來賦詩。
絮羹吸茗互張挾，深杯倒盡青玻璃。
先食冷淘後餽飢，蘇黃貧相吾無譏。
魚羹粉菊坐習見，珠餼蠶豆平無

奇遠憶建溪致團鳳高吟百里烹伏雌詩清澹共芳潔一日卽庖天下知邇來十年罷徵逐秋夜西窗重翦燭坐麾野馬避黃塵小薦家雞烹碧玉老來懷抱重淒其風味爭如少俊時淺薄黃花聊下酒流連今雨更填詞回頭草綠橋公墓路遠無因奠雞絮沈郎踪跡落淮南八月青霜凋桂樹紀渚由來善斂藏黨姬終是無風趣當年巷北煮茶寮余庚寅入都寓北半載巷滿地烽煙不知處滄海橫流朝市遽開門聽雨過今年淒涼莫賦山陽笛唱和同尋沙社篇

寄懷座主崑筱峯相公

中天日月忽西移大厦猶聞一木支獨長宗盟兼閭事仍分留務總京旗起居二聖劉琨表感動諸夷子產詞矣午平生託知己白頭愁寄相公詩

盆桂再榮晚坐花下試茶作

瓦盆四株桂浹月兩見花月閨花亦閨愛茲秋日佳花落復上枝如迴故人車縹葉下夕柯丹桂吐朝華翻疑月中樹無此金麥芽薄暮倚庭竹幅巾不宜紗洗鑑命嬌女賞以明前茶葉葉江南雨點湯碧無瑕徘徊衣上雪掩冉風中霞圓甌納香氣丹白粉天葩斜陽在東壁暝樹巢歸雅微吟小山作跡適心已遐

再疊晉陽韻酬研孫見和

杯酒雙龍誓已寒西來國步益艱難有山尚種周家粟無土堪培鄭氏蘭良草黃雲紫御路鹹瓜白粥進堂餐樞府傳諭所過州縣多備餽餼菜稀飯五臺未了燒香事莫當清涼讚佛看

求賢選將 詔書頻祇積絲綸薄上塵兵甲八王俱反解文章兩制總羹陳月明宮掖多聞恩泰熟園陵孰薦新昨夜釣天聞廣樂從臣俱是夢中身

晚出居庸路阻深雁門代郡慘秋陰孟婆方便休吹面夢感猖狂尚守心事去六州空聚鐵冠來高鵬
悔藏金百年寂寞銅鞮道何意重還鳳蓋臨

朝士盡辭青瑣闥勝兵無復黑雲都一龍東渡終存魯五殺西行不諫虞列鎮交章追旆始荒年有詔
緩秋租長安更比并門遠燕薊遺黎莫怨吁

年飢穀貴食無餘五柳安能意晏如地下蒼鵲終北亂海東黃鸝漫貽書言期無罪多厄寓詩忘傷時
託建除庾信關中最蕭瑟江南朋舊半凋疏

再詠孩兒菊索硯孫和

一月淵明笑幾回東籬風信五更催呼為胡子宜澆酒度作沙彌不姓梅青女降從麀弄後黃香乳是
虎供來年年湯餅重陽會太華峰頭綺席開

笑靨圓於金叵羅衣裝嬌甚綠鸚哥但將月露供調養不畏風霜有折磨采以夫妻雙佩好萊莢兄弟
幾人多十花姊妹甘為婦門第猶嫌不稱他

玉筍山頭第幾家種成美璧信無瑕得雄即號王孫草尙主應偕帝女花梨父曾聞宗百果楚人先已
送南瓜

吾楚嘗以中秋夜即將潭水為佳釀賀客盈門醉語譁送瓜取宜男之兆

爛斑秋錦製萊衣說變風前學舞時韓圃迭興雙宰相陶雛何止五男兒蓮娃嬌面全宜畫棠母嫌名
莫入詩太僕寒花真得子裁書報與老妻知

兒時神爽已英英露洗風摩易長成松竹歲寒添小友芝蘭庭砌得孿

平生

金星入命宜長壽秋水為

神不世情晚桂早梅先後發中間此子獨嵒嶸
竹馬鳩車晚霽天楓人筍母競相憐蟹腸已去慚公子雁信紅來更少年蟋蟀盈邊門旗鼓蜘蛛網底

依依稚子出柴桑，乍可鴈門五尺強。欲借蟹筐為面具，時沾蝶粉上衣裳。姻盟白石偕三妹，乳母黃家
有四娘。乞得金童來膝下，人間可戀是秋光。

常得高軒過圃東，垂髫那肯怨秋蓬。奇男鍊骨冰霜裏，隱士知名樛櫟中。送酒歡迎衣自白，吏倒綱爭笑
綠毛翁。錦堂子弟多才俊，晚節纔收第一功。

秋夜過彥孫

詩人瘦似竹枝斜，好句題牆護碧紗。飢忍鶴田秋盼雨，影收鸞鏡晚明霞。詞家兩寫箋頭雁，樂部三催
笛裏花。遲過月寮虛掩箔，箔宜斟淺淡越甌茶。

茶甌越淡淺斟宜，箔掩虛寮月過遲。花裏笛催三部樂，雁頭箋寫兩家詞。霞明晚鏡鸞收影，雨盼秋田
鶴忍飢。紗碧護牆題好句，斜枝竹似瘦人詩。

疊韻東仲綱弟

詩窗玉色一川斜，影動簾波月浸紗。飢雁憶鄉蘆漫雨，瘦螯宜酒菊爭霞。詞箋玉海人傳業，畫境禪牀
女散花。遲久願君過晚飯，宜相愛處淡湯茶。

茶湯淡處愛相宜，飯晚過君願久遲。花散女牀禪境畫，業傳人海玉箋詞。霞爭菊酒宜螯瘦，雨漫蘆鄉
憶雁飢。紗浸月波簾動影，斜川一色玉窗詩。

午橋中丞出關迎駕旋拜使豫之命再疊前韻奉寄

詩中泮水一橋斜，曉暉霜風透帽紗。飢宦薄分金掌露，危從諸臣日有賜金侍臣名耀玉關霞。詞人馬遞飛書檄，

院女龍游近簾花。遲謁上方西駐蹕，宜春小貢御團茶。時以茶點進御

茶園御貢小春宜驛駐西方上謁蓮花輦近游龍女院傳聞幸玉泉駕檄書飛遞馬人詞各國頻有書疏霞闌玉曜名臣侍露掌金分薄宦飢紗帽透風霜驛曉斜橋一水汴中詩

繡漪極愛余迴文詩三四疊前韻

詩錦織文迴繡枕字珠真滿畫屏飢人楚菊餐寒雨靜女秦簫閣晚霞詞和舊題雙管雙簪梳新樣一釵花遲來月色猩簾暖細蕊秋香送井茶

茶井送香秋蕊細暖簾猩色月來遲花釵一樣新梳髻翠管雙題舊和詞霞晚間簫秦女靜雨寒餐菊楚人飢紗屏畫滿真珠字枕繡迴文織錦詩

詩箋玉葉幾行斜貼上蠻紅小格紗飢鳳一餐香徑竹斂蛾雙暈酒邊霞詞填夜雨輕敲玉錦晒秋畦滿種花遲日綺雲香閣暖宜看細筆畫山茶

茶山畫筆細看宜暖閣香雲綺日遲花種滿畦秋晒錦玉敲輕雨夜填詞霞邊酒量雙蛾斂竹徑香餐一鳳飢紗格小紅蠻上貼斜行幾葉玉箋詩

遣懷

燕游倖後馬歸秦貴甚儒林學道人妍菊淡然顏欲老小梅紅矣奈何春天隨也樂尋瓢笠月上樊榭虛言侍櫛巾圖式玉爐添炷麝煙紗碧送晚香新

新香晚送碧紗煙麝炷添爐玉式圓巾櫛侍言虛上月笠尋樂也隨天春何奈矣紅梅小老欲顏然淡菊妍人道學林儒甚貴秦歸馬後倦游燕

竹延尤愛余迴文詩疊韻為贈

燕如不築金臺峻大國秦誇最有人妍色女同書本善老年人笑柳宜春竹延新製翠草囊天寒薄酒賒頭變

夜坐枯棋對角巾圓顆數珠經轉罷煙籠淡月晚來新

新來晚月淡籠煙罷轉經珠數顆圓巾角對棋枯坐夜甕頭賒酒薄寒天春衣柳笑人年老善本書同
女色妍人有最誇秦國大峻臺金築不如燕

遣懷詩鎖聯亦作妍菊晚香無奈老滿梅寒意有何春繡綺以為佳因足成之

燕秦隔斷書空雁柳畔池臺北望人妍菊晚香無奈老滿梅寒意有何春天於遠道紆鸞錦雨作啼痕
清麝巾圓玉琢槽檀鳳紫轉喉車子曲翻新
新翻曲子車喉轉紫鳳檀槽琢玉圓巾麝清痕啼作雨錦鸞紆道遠於天春何有意寒梅滿老奈無香
晚菊妍人望北臺池畔柳雁空書斷隔秦燕

四疊韻示竹延

燕薊別來西望秦散花知否是天人妍詞宋杏紅情綺古畫唐梅粉朵春天醉已回難止酒月弦初上
怕沾巾圓甌白定香茸紫翠滴簷花賞雨新
新雨賞花簷滴翠紫茸香定白甌圓巾沾怕上初弦月酒止難回已醉天春朵粉梅唐畫古綺情紅杏
宋詞妍人天是否知花散秦望西來別薊燕

夜話有贈

簟粉墮風秋院靜菱荷無影照清池霜欺葉醉不無酒月似人佳更有詩囊製縮砂香暖胃簾收斜竹
玉涼肌長更數盡香盤篆笑上樓時有夢思
思夢有時樓上笑篆盤香盡數更長肌涼玉竹斜收簾胃暖香砂縮製囊詩有更佳人似月酒無不醉
葉欺霜池清照影無荷菱靜院秋風墮粉簟

疊前韻遣興

簾疏夏佩風窗暝掩幔燈明玉水池霜變橘酸微帶酒雨如花意可絲詩囊書上奏休緘口塵柄長攜冷熨肌長恨別時青色柳淚衫秋有舊京思

思京舊有秋衫淚柳色青時別恨長肌熨冷攜長柄塵口緘休奏上書囊詩無可意花如雨酒帶微酸橘變霜池水玉明燈幔掩暝窗風佩夏疏簾

憶北臺

京西勝處山當戶面北亭欄曲徑斜聲驟雨荷香院麴影飄風絮落棚瓜鶯捎戲蝶紫絲柳鶯看閒魚啜片花清夢午窗槐陰綠亭薇過半酒人家

家人酒半過薇亭綠陰槐窗午夢清花片啜魚閒看鶯柳絲紫蝶戲捎鶯瓜棚落絮風飄影麴院香荷雨驟聲斜徑曲欄亭北面戶當山處勝西京

憶歌者佳靈芝

高臺舞袖繞花飛幾串珠歌豔雪霏桃葉百環輕綰髻毛西河妾梳百環髻柳枝雙帶秀飄衣嬌鶯借重名兼姓小燕猜量瘦與肥蕭鳳引人仙夢遠紫房芝憶甚時歸

歸時甚憶芝房紫遠夢仙人引鳳蕭肥與瘦量猜燕小姓兼名重借鶯嬌衣飄秀帶瘦枝柳髻綰輕環百葉桃霏雪豔歌珠串幾飛花繞袖舞臺高

再贈竹延

秦鼈共酌小螺杯病酒蘇仙散值纔真意可須詩筆代錦秋還望報書來人生馬耳飄風聽士有燕然卓筆才塵軟隔花何日近春城鳳盼曉雲開

開雲曉盼鳳城春近日何花隔軟塵才筆卓然燕有士聽風飄耳馬生人來書報望還秋錦李秋錦有尺牘行世

雜興

劉光世嘗命侍兒意真代筆

纔值散仙蘇酒病杯螺小酌共量春

微紅盞露香盈袖苻翠牽風軟結條霏雪白研茶磴乳滴珠紅壓酒牀糟歸當寄信安慈竹起喚啼妝倩小桃誰贈碧珊瑚筆架那無青錦製書攷

攷書製錦青無那架筆珊瑚碧贈誰桃小倩妝啼喚起鵲竹慈安信寄當歸糟牀酒壓紅珠滴乳磴茶研白雪霏條結軟風牽翠苻袖盈香露盞紅薇

次竹廷道懷韻

新錄夢華京信遠念誰花踏軟紅塵真傳鶴態梅妻豔佩結珠雲楚女神人贈好詩閒卧雨病緣多酒罷游春茵如碧草香紫塵畫入春桃訪李因李今生女史名因工畫花卉

因李訪桃春入畫座紫香草碧如茵春游罷酒緣多病雨卧閒詩好贈人神女楚雲珠結佩豔妻梅態鶴傳真塵紅軟踏花誰念遠信京華夢錄新

疊韻示竹廷

新月半窗斜映柳好詩評點一無塵真仙寫稿留禪畫暗用張三丰冷謙事異瑞占花示夢神暗用笑翁鏡事人醉也薰

香鴨睡客留爭豔碧螺春茵紋玉徽還深坐梵火香林道宿因

因宿道林香火梵坐深還敝玉紋茵春螺碧豔爭留客睡鴨香薰也醉人神夢示花占瑞異畫禪留稿寫仙真塵無一點評詩好柳映斜窗半月新

九日感懷

今年九日罷登高北望修門雁陣遙御貢初來香稻米江表貢米三百斛早年兼少菊花苗今年猿啼子美縱無菊橫淚蟹信丁沽早晚潮隨分關中賞秋色兩京宮殿草蕭蕭

用去年北臺九日韻東仲綱

九日長吟杜甫詩崆峒七聖已先迷玉京烽火諸花盡紫閣風煙萬木低例有酒人登華頂可無飛將出關西茱萸兄弟今寥落坐對糕盤未敢題

都下伶人小叫天或言兵解或言在汴感賦一首

叫天歌續崆峒子流落兵間亦可嗟此曲忍忘黃米飯誰家飄墜白楊花野狐無復隨行在舞馬何時媚正衙南府本家俱寂寞金梁橋畔泣琵琶

續松陵集有曉起回文二首詞多未愜固知此事如麻算棋奕後勝於前也因次其韻

平簷竹翠浮煙煥曉幌燈紗薄映人清肺渴教花露浥篆心香學茗煙新城春落月啼鳥早院靜來雲引鶴馴晴日綺錢窗鏤玉膩箋詩寫墨香勻

勻香墨寫詩箋膩玉鏤窗錢綺日晴馴鶴引雲來靜院早鳥啼月落春城新煙茗學香心篆浥露花教渴肺清人映薄紗燈幌曉煥煙浮翠竹簷平右和曹堂

東園曳筇方竹短蓋霞朝飲一愁無紅簾綉捲催鸚語粉翅金描補蝶圖風幌曉山真北苑月窗春景畫西湖中庭小鵲鳴時起夢裏花醒一鵲孤

孤鶴一醒花裏夢起時鳴鵲小庭中湖西畫景春窗月苑北真山曉幌風圖蝶補描金翅粉語鸚催捲綉簾紅無愁一飲朝霞蓋短竹方筇曳圃東右和龔美

府主將入關竹延有詩亦賦一首

心蟠錦綉衾衣公曉駟霜高詠渚鴻金落肘符雙繳上武衛全蠟封書奏幾留中侵霜晚鬢潘詞苦時

有黃門之戚

覆局殘棋謝墅空深眷舊臣樞望重駸駸馬首隴雲紅

紅雲隴首馬駸駸重望樞臣舊眷深空墅謝棋殘局覆苦詞潘鬢晚霜侵中留幾奏書封蠟上繳雙符肘落金鴻渚詠高霜駟曉公衮綉錦蟠心

肝疾又作感賦

世亂年飢祇自傷形軀非復舊輕強兒曹漫記呻吟語朋輩虛傳補養方海內瘡痍紫寤寐老來湯熨費商量跣跡小結團蒲上惟覺禪家氣味長

用前韻贈笏卿

舊雨經時隔薊雲德星何意照秦分橐裝剩有琴三尺書篋拋殘易一斤飯顆無心逢杜甫雍門有淚泣田文奉天幾葉絲綸簿陸九當時最得君

笏卿見和前韻再疊一首

閒道麻鞋躡隴雲三峯八水望中分梅花與客俱稱丈薺菜逢人莫問斤漢室無都河洛意唐賢有弔戰場文控頭新熟攜兒酒待煮青梅約使君

三疊韻示笏卿

北望修門鬱戰雲五城何止鼎三分似聞海舶移花石忍見瑤林綴斧斤燕趙之間無顧及牧豕韋而後孰桓文棟時宰相惟馮老白髮周旋十數君

聞都門消息

上林秋雁忽西翔疑碧池頭孰舉觴市有醉人稱異瑞巢無完卵亦奇殃犬銜朱郎焚餘骨烏啄黃鵠

戰後瘡滿目蓬蒿人跡少向來多是管弦場

京師赫赫陷鯨牙十國縱橫萬戶嗟舊宅不歸王謝燕新亭分守楚梁瓜諸國各蛾眉身世惟青塚銘

珥門庭但落花龍武諸軍誰宿衛孤兒一一委蟲沙

百年喬木委秋風三月銅街火尚紅崇愷珊瑚兵子手宋元書畫冷攤中金華學士羈僧寺玉雪兒郎

雜酒偏聞得圓明雙鶴語庚申庚子再相逢

島人列檄罪諸王玉牒瑤潢絕可傷待取血膏腸福鹿誰將眼著謎貪狼伯霜仲雪俱危苦謂莊邸及

宋幼殷辛僭比方教邸服中生公法每寬親貴議可須函首越重洋子即端邸也

繁華非復鳳城春玉輅於今隔麗秦金雀觚棱虛御杖銅駝荆棘泣孤臣朱門白屋多新鬼卜肆僧寮

幾故人莫問北池舊煙月雨零鈴夜一沾巾

次韻和石甫渭南道中見懷

昔為渭南軍言訪紫蘭村荒祠祀白傳香火餘縉髭六姑泉上月照我洗硯痕邦人安我拙頗復古處

教一去虞桑社至今靴鞆存園竹大於母階桐行有孫客從東方來西指長樂門平生志忠孝豈判陽

與尊茲已彈丸耳環球煙塵昏小雪誦君詩黯然銷我魂

再次實甫華陰道中韻

名士江東獨爾思西塞華鵲與商芝玉鞭經過楊妃里金輓飄零武帝祠明月入懷雙照淚青天在上

一題詩豹文鬱鬱終軍老闕吏逢迎恐未知

笏卿和詩語益悲憤四疊韻奉簡

喻吸鯨鯢氣薄雲鳳皇城裏儼瓜分痿人思起無仙藥大廈將斂費匠斤幕府徵兵駢羽檄草堂有劍

感鱗文唾壺擊缺王家玉函莽真須咎鐵君

石甫登萬壽閣和余丁酉舊作疊韻報之

宣毫五色屬文通來貌冬山慘淡容辭漢銅仙餘淚雨迎 鑒玉女威眉峯珠簾藻井煙霄近仙掌蓮

花返照濃值得墮鱸人一笑於今關內有 真龍

十月二日招同詒書炯齋兩學使潤夫副都容皆司業笏卿比部荒齋小集即席賦呈五疊前韻

早梅新坼隴頭雲水竹城南得五分座客歸曲紫鱗一雙花壓擔青蛟三百酒論斤松篁歲暮昏清友桃

李春風待主文遺事未須說天寶九歌勿復怨湘君

與石甫笏卿論詩六疊前韻

深似江淹淺范雲七分讀可補三分會心不遠公孫舞斲鼻無傷巧匠斤接續選樓高仲武矜嚴句律

沈休文騷壇牛耳當誰執鳴玉雍容會兩君

七疊韻贈石甫

驅車來看華山雲痛飲新豐酒百分相馬晚逢龍八尺刻舟早識象千斤君少有神童之目風霜一灑憂時淚

河朔新多嘆逝文園今年來最消渴莫將杯露易文君

八疊韻酬石甫見贈

大人一賦氣凌雲玄素雙流馬首分漢碣郭書缺有間秦權斯篆重逾斤壯心尚欲行千里寸舌誰云

值半文為語子房招力士莫從滄海更求君

九疊韻和石甫感事

迢遙京闕蔽浮雲敗局誰將黑白分將帥 朝廷思李牧人才敵國幾奚斤吳無武子能經武燕有文

山不姓文賦謂公寂寂金臺殘照底九原誰起望諸君

十疊韻贈某提督

敗將西歸黯陣雲流泉鳴咽隴頭分憤王泣下八千卒軋犖身肥三百斤今日無拳復無勇平生崇武不崇文說書倘遇敬亭柳待把然臍說與君某君善談三國演義

感舊十一疊韻詠石甫

豔煞江亭一段雲評花賞雨過春分珠將淚比盈千斛金買書來動百斤臨別詩箋題十錦君出初索冊頁遠遊茶碾寄雙文銷魂橋畔重相見合喚梅花作細君

十二疊韻言懷東笏卿

幾時放鶴入青雲今日微星在楚分煮茗竹間閒釣艇觀棋松下釋樵斤臨濠始信魚長樂隱霧誰知豹有文好共申屠巢樹底威名休慕漢三君

冬窗即事十三疊韻

曉閣常留一隅雲夜窗慣見月三分久虛官米二千石飽饒年緒一百斤國初吾鄉王尚書幼時有小時建頭一百斤大鵬展翅三之對多病擬求西母藥愛才還序左思文天寒百卉無顏色閒倚亭欄玩綠君

十四疊韻示及門諸子

載酒翩然過子雲曹倉邊笥定誰分長松落落誇千尺雙井時時受一斤筌易每參飛伏理讀書須識古今文竹林不設山王座試仿延年詠五君

十五疊韻酬石甫論詩並索笏卿和

舉世雕鐫月與雲源流主客未能分由來琴客多膠柱幾見輪人解運斤淡比春山纔入畫明如秋水

始為文若將詩法參兵法吾愛當年馬服君

昨詩有雙井時時受一斤之句朝來石甫詩至併餽龍井二餅十六疊韻奉謝

數店新開春甕雲十千沽酒許平分吳船昨煮寒庖菜九百秤羊得一斤

宋人詩平江九百一斤最喜

井茸如淡友況兼勺藥是清丈梅邊滿盞江南雪羊酒何須羨黨君

重有感十七疊韻

北際南垂鬱戰雲中間如礪幾家分御衣幾受穿楊鏃月殿深愁斫桂斤弱魯挑齊真大誤暴秦詛楚亦深文東華文武衣冠盡獨以全權屬相君

十八疊韻自嘲

天際秦雲憶楚雲海中萍合復萍分詩人南北須論箇酒量中平未滿斤良白那堪當世用纖新不薄小家文平生學術唯知恥未敢輕方諸萬君

中興以來自方諸萬者甚多

再疊萬壽閣韻東石甫

賃廡來依皋伯通五陵裘馬自雍容南飛一跨黃州鶴西笑重登紫閣峯漢柏年深寒黛淺井蓮詩就晚霞濃今生淚眼能晴否還向吳城問小龍

三四疊韻代石甫寄內

街書三鳥未能通依約芳梅似鏡容寂寞秦台雙玉管淒涼湘瑟幾青峰月移帶眼緣詩瘦雲撥牀頭覺酒濃說與文君渾不信試從藥店驗飛龍

洛浦微波有夢通玉煙偎煖綉芙蓉蛾眉自肖蛾眉月畫扇新圖畫扇峯潘令髻絲今夜白定王紅萼小春濃彥先贈婦多才思未要人間陸士龍